

U skladu sa Zakonom o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH" broj: 41/01, 22/05 I 9/08), Projektom sufinansiranja zapošljavanja i samozapošljavanja djece šehida / poginulih boraca 2021. Odlukama Upravnog odbora Federalnog zavoda za zapošljavanje, broj: 01/1-45-5651/21 od 26.08.2021. godine i 01/1-45-6035/21. od 29.09.2021. godine i Sporazuma o međusobnoj saradnji u realizaciji Projekta sufinansiranja zapošljavanja i samozapošljavanja djece šehida/poginulih boraca 2021, potpisanog između Federalnog zavoda za zapošljavanje Sarajevo (u daljem tekstu: Zavod) broj: 06-45-6372/21 od 21.10.2021. godine, Vlade Tuzlanskog kantona, Ministarstva za boračka pitanja TK (u daljem tekstu: Ministarstvo) broj: 15/1-04-21510-21 od 04.10.2021. godine i JU Služba za zapošljavanje TK (u daljem tekstu: Služba), broj: 01-30-3-867/21 od 12.10.2021. godine, objavljuje se:

## **JAVNI POZIV**

### **za učešće u „Projektu sufinansiranja zapošljavanja i samozapošljavanja djece šehida / poginulih boraca 2021“**

(1) Za realizaciju Projekta sufinansiranja zapošljavanja i samozapošljavanja djece šehida / poginulih boraca 2021, predviđena su sredstva u iznosu od 400.000,00 KM, od kojih 200.000,00 KM obezbjeđuje Vlada Tuzlanskog kantona, Ministarstvo za boračka pitanja TK, a 200.000,00 KM Federalni zavod za zapošljavanje.

(2) Ukupno planirana finansijska sredstva u iznosu od 400.000,00 KM raspoređuju se na sledeći način:

a) 200.000,00 KM za projekat zapošljavanja i

b) 200.000,00 KM za projekat samozapošljavanja

(3) Sredstva iz stava (2) ovoga člana, koja ne budu raspoređena na način propisan tačkom a) i b) člana, preusmjerit će se na način kako slijedi:

a) u slučaju ostatka sredstava iz stava (2) tačka a) ovog člana na tačku b) istog stava i

b) u slučaju ostatka sredstava iz stava (2) tačka b) ovog člana na tačku a) istog stava.

(4) Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

## **1. Cilj projekta**

Projekat se realizira s ciljem zapošljavanja i samozapošljavanja djece šehida / poginulih boraca sa završenom VSS, SSS i NK koja aktivno traže posao, a koja se nalaze na evidenciji nezaposlenih JU Služba za zapošljavanje Tuzlanskog kantona

## **2. Korisnici**

### **2.1. Poslodavci**

Pravo učešća po Javnom pozivu imaju pravni subjekti koji imaju registrovanu djelatnost na području Tuzlanskog kantona, koji redovno izmiruju obaveze po osnovu poreza i doprinosa, kao i poslodavci koji sa Poreznom upravom Federacije BiH imaju potpisan Sporazum o odgođenom plaćanju duga po osnovu javnih prihoda.

U Projektu ne mogu učestvovati:

- Poslodavci koji su koristili kreditna ili bespovratna sredstva iz poticajnih mjera Zavod / Službe, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva.
- Poslodavci koji ne izmiruju redovno obaveze po osnovu poreza i doprinosa, ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa.
- Poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).
- Poslodavcu koji je već zapošljavao osobe iz ciljne grupe i ne koristeći sredstva iz poticajnih mjera Zavoda / Službe / Budžeta TK, a koje je otpustio u posljednjih 12 mjeseci prije dana podnošenja prijave na Javni poziv.
- Poslodavcu koji je zapošljavao osobe iz ciljne grupe koristeći gore navedena sredstva, a sa kojima je raskinuo ugovor u posljednja 24 mjeseca prije dana podnošenja prijave na Javni poziv.

## **2.2. Nezaposlene osobe**

Korisnici Programa su nezaposlene osobe iz kategorije djeca šehida/poginulih boraca sa završenim VSS, SSS i NK, koje su obavile pripravnički staž/volontiranje ili stručno osposobljavanje u struci, prijavljene na evidenciji nezaposlenih Službe, dan prije zaključivanja ugovora o radu s poslodavcem (zapošljavanje), a u slučaju pokretanja vlastite djelatnosti, osobe koje se nalaze na evidenciji bez obzira na stepen obrazovanja i starosnu dob.

Nezaposlene osobe koje su bile korisnici ovakvog programa u ranijim godinama, mogu biti ponovo korisnici po ovom Projektu u slučaju da je po javnom pozivu ostalo neraspoređenih finansijskih sredstava.

U Projektu ne mogu učestvovati osobe koje su odjavile djelatnost/društvo u period od šest (6) mjeseci prije apliciranja.

## **3. Poticajna mjera i način sufinansiranja**

Projektom je za osobe kojima se sufinansira zapošljavanje, određeno sufinansiranje dijela u bruto iznosu (troškova obaveznih doprinosa i dijela neto plaće) u trajanju do dvanaest (12) mjeseci, kako slijedi:

- Iznos od 600,00 KM za NK, (dijela troškova obaveznih doprinosa i/ili dijela neto plaće)
- iznos od 966,27 KM mjesečno po osobi za SSS, (iznos obuhvata troškove obaveznih doprinosa i neto plaću)
- te iznos od 1289,16 KM mjesečno po osobi sa VSS, (iznos obuhvata troškove obaveznih doprinosa i neto plaću)

Nezaposlene osobe, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, ostvaruje pravo na poticajna sredstva u bruto iznosu (troškova obaveznih doprinosa i dijela neto plaće), u trajanju do dvanaest (12) mjeseci, kako slijedi:

- Iznos od 600,00 KM za NK, (dijela troškova obaveznih doprinosa i/ili dijela neto plaće)
- iznos od 966,27 KM mjesečno po osobi za SSS, (iznos obuhvata troškove obaveznih doprinosa i neto plaću)
- te iznos od 1289,16 KM mjesečno po osobi sa VSS, (iznos obuhvata troškove obaveznih doprinosa i neto plaću)

Ukoliko korisnik u okviru pokrenute djelatnosti / društva, osim sebe zaposli i neku drugu osobu, prijavljenu na evidenciju nezaposlenih iz ciljane skupine, mjesečno će mu se isplaćivati / refundirati sredstva u bruto iznosu (troškova obaveznih doprinosa i neto plaće), u trajanju do šest (6) mjesecu za osobe koje zapošljava, kako slijedi:

- Iznos od 600,00 KM za NK, (dijela troškova obaveznih doprinosa i/ili dijela neto plaće)
- iznos od 966,27 KM mjesečno po osobi za SSS, (iznos obuhvata troškove obaveznih doprinosa i neto plaću)
- te iznos od 1289,16 KM mjesečno po osobi sa VSS, (iznos obuhvata troškove obaveznih doprinosa i neto plaću)

#### **4. Javni poziv**

Javni poziv za učešće u Projektu se objavljuje dana 23.11.2021.godine , na oglasnim pločama Službe (svi biroi za zapošljavanje TK) i na web stranici: JU Službe za zapošljavanje TK, [www.szztk.ba](http://www.szztk.ba), i Vlade TK, [www.vladatk.ba](http://www.vladatk.ba).

Javni poziv ostaje otvoren petnaest (15) dana od dana objavljivanja.

#### **5. Prijava na Javni poziv**

Poslodavci se prijavljuju na Javni poziv popunjavanjem prijave (aplikativnog formulara) koji se objavljuje na web stranicama: JU Službe za zapošljavanje TK: [www.szztk.ba](http://www.szztk.ba) i Vlade TK: [www.vladatk.ba](http://www.vladatk.ba).

Poslodavci prilikom prijave na Javni poziv, dostavljaju sljedeću dokumentaciju:

- Popunjenu, potpisanu i ovjerenu prijavu - aplikativni obrazac,
- Kopiju rješenja o obavljanju djelatnosti
- Kopiju ugovora o otvaranju transakcijskog računa,

- Uvjerenje o izmirenim obavezama po osnovu poreza, doprinosa i javnih prihoda (original ili ovjerenu kopiju ne stariju od tri (3) mjeseca.
- Uvjerenje nadležne općinske službe za boračko-invalidsku zaštitu o statusu člana porodice / djetetu šehida / poginulog borca , za osobu koja se zapošljava ( original ili ovjerena kopija ne starija od tri (3) mjeseca.
- Dokaz da je osoba dobitnik najvećih ratnih priznanja prema odredbama Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije Bosne i Hercegovine”, broj: 70/50, 61/06, 9/10 i 90/17)
- Izjava nezaposlene osobe o ustupanju ličnih podataka
- Samo u slučaju kada poslodavac vrši zapošljavanje djece šehida-poginulih boraca bez oba roditelja, poslodavac je obavezan dostaviti: izvod iz matične knjige umrlih za oba roditelja navedenog djeteta, kao i izvod iz matične knjige rođenih za dijete.

Organi uprave i druge institucije koje posluju putem trezora, umjesto uvjerenja porezne uprave FBiH, dostavljaju dokaz da trezorski posluju.

**Poslodavcu se po ovom Projektu može odobriti sufinansiranje zapošljavanja, najviše za dvije (2) osobe.**

Nezaposlene osobe koje podnose prijavu za samozapošljavanje, dostavljaju:

- Popunjenu i potpisanu prijavu – aplikativni obrazac,
- Uvjerenje nadležne općinske službe za boračko-invalidsku zaštitu o statusu člana porodice / djetetu šehida / poginulog borca, za osobu koja se samozapošljava ( original ili ovjerena kopija ne starija od tri (3) mjeseca.
- Dokaz da je osoba dobitnik najvećih ratnih priznanja prema odredbama Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije Bosne i Hercegovine”, broj: 70/50, 61/06, 9/10 i 90/17)
- Izjava nezaposlene osobe o ustupanju ličnih podataka
- Kada se vrši samozapošljavanje djece šehida-poginulih boraca bez oba roditelja, kandidat je obavezan dostaviti: izvod iz matične knjige umrlih za oba roditelja navedenog djeteta, kao i izvod iz matične knjige rođenih za djete.

**Nezaposlene osobe kojima se odobri sufinansiranje samozapošljavanja mogu zaposliti najviše dvije (2) osobe po ovom Projektu.**

Prijave sa potebnom dokumentacijom dostavljaju se neposredno nadležnom općinskom birom prema sjedištu poslodavca ili poštom u Službu za zapošljavanje TK na adresu:

**Služba za zapošljavanje TK  
Bosne srebrene 31  
75000 Tuzla**

**S naznakom „Prijava na Javni poziv za učešće u Projektu sufinansiranja zapošljavanja i samozapošljavanja djece šehida / poginulih boraca 2021 – NE OTVARATI“**

Javni poziv se objavljuje dana 23.11.2021.godine, na oglasnim pločama Službe (svi biroi za zapošljavanje) i na web stranici: JU Služba za zapošljavanje TK, [www.szztk.ba](http://www.szztk.ba), i Vlade TK, [www.vladatk.ba](http://www.vladatk.ba). Rok za podnošenje prijava je 15 dana od dana objavljivanja Javnog poziva. Prijave sa nekompletnom dokumentacijom neće se uzeti u razmatranja.

#### **6. Bodovanje prijava**

Pristigle prijave bodovat će Komisija imenovana od strane Službe za zapošljavanje TK, Saveza organizacija porodica šehida i poginulih boraca i Ministarstva za boračka pitanja. Nezaposlenim osobama će se bodovati ukupno vrijeme na evidenciji. U slučaju istog broja bodova prednost će imati osoba koja je bila duže na evidenciji.

Poslodavci odnosno osobe koje apliciraju za samozapošljavanje biti će obaviješteni o rezultatima na stranici Službe, [www.szztk.ba](http://www.szztk.ba)

#### **7. Opće napomene**

Javni poziv, aplikativni obrazac, izjavu i kriterije za bodovanje se objavljuju na web stranici Službe, [www.szztk.ba](http://www.szztk.ba) i vlade TK, [www.vladatk.ba](http://www.vladatk.ba)

**JU Služba za zapošljavanje  
Tuzlanskog kantona**